

14  
Cavoretto-Torino 14 augu<sup>usto</sup> 1925.

Honorato collega,

Gratias pro littera de 10 VII. Ab die 30 junio ad hodie, me es in Ancona, pro examines. Labore es longo et ultra grave, et ad me fi impossibile de scribe ad amicos. Nunc me es in quiete usque ad octobre.

Ad me dole quod vos jam es infirmo, et me augura valetudine completo.

Programma de Vos es vasto, nimis amplo; me puta utile de incipe per programma plus modesto. Me non pote labora de plus quam hodie, nam me es occupato in schola, et in alio negotio. Ergo vos debe organiza toto. Ing. Canosi et me nomina Vos vicethesaurario de API. Non es necesse quod vos mitte pecunia ad nos; suffice de mitte publicationes ad socios.

Me lege in C'ech 23 julio, articulo. Auctore es Vos aut Dvorak?

Pervenit ad thesaurario inscriptione de Yan Ce'ch, Morava.

Pro lectores que cognosce plus aut minus latino, pote servi meo ppusculo Interlingua. Me vol mitte ad Vos tot exemplares quot vos desidera.

Pro lectores que non cognosce latino, es necessario publicatione de manuale in Cecoslovaco. Vos pote fac lege meo Interlingua ad plure amico de Vos de vario cultura, et nota quale explicationes es necessario. Tunc vos pote publica isto explicationes, et adde quale supplemento ad meo Interlingua. Si es necessario, me pote praepara manuale typo Berlitz. Se d primo libro que debe es publicato, es manuale ad usu de populo que ignora latino.

Me es semper ad dispositione de Vos, in limite de meo vires.

Augurios et salutationes cordiale.